



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Capvt I. a In Exodo.

---

[urn:nbn:de:hbz:466:1-74544](#)

xandro III. p. 3. de simonia cap. 3. in illis verbis: Pro examinatione ignis, & aquae. Illud tamen notandum duxi, purgationem hanc ferri carentis ple- rumque injungi servis, & monachis; quia illi ob conditionem, isti vero ob statum per duellum purgari non poterant. Nec inficiari potest, olim Ecclesiam, etiam in rebus, sacratioribus ignis ju- dictio usum fuisse, veluti in reliquis veris agnoscendis. Concilium Cefar. august. 2. can. 3. ibi: Sta- tutus sancta Synodus, ut reliquie, que in quibuscum locis de Arriana heres inventae fuerint prolate, a sacerdotibus, in quorum Ecclesias reperiuntur, Pontificibus presentatae igne probentur. Quem canonem late exponunt Baronius anno 996 Ferrandus in disquisit. reliq. lib. 2. p. 3. cap. 1. cum sequent. quo etiam iudicio usus fuit B. Dominicus in disput. cum Albi- gensibus: & T. oleti dum ageretur de recipiendo officio Romano, reliquo breviario Mocarava, ut referunt Baronius anno 1080. num. 72. Julianus Petri in advers. sub anno 1086. num. 600. & etiam in Hispania mos erat decidendi lites per iuramentum praestitum in Ecclesia Sanctorum Vincentii, Sabinz, & Christeres in urbe Abulensi, & in civitate Burgensi in Ecclesia S. Agathæ, ut refert Yepes tom. 1. chron. Divi Benedicti, cent. 1. anno

Christi 555. quod postea prohibitum fuit in l. 67. Tauri, ibi: Ningun juramento, aunque el iuez lo mande hazer, & la parte lo pidra, no se haga en fan vi- cente de Abila, ni en el herrojo de santa Gadea, ni sobre altar, ni cuerpo fando, ni en otra Iglesia juradera, so pena de diez mill maravedis para la nuestr. camara y fisco, al que lo jurare, y al que lo pidiere, o demandare, Similis confutatio invalidetur Mediolani, ut con- flat ex D. August. tom. 2. epist. 137. Multis enim no- rissima est sanctitas loci, ubi B. Felicis Holensis corpus conditum est, quo volui ut pergerent, quia hic nobis fa- cilis, fideliusque scribi potest, quidquid in eorum aliquo divinitus fuerit propalatum, nam & nos novimus Me- diolani apud memoriam Sanctorum, ubi mirabiliter, & terribiliter demones constiterunt, furem quendam, qui ad eum locum venerat, ut falsum jurando deciperet, compulsum fasce confisteri furtum. Ejudem u- Roma vigentis ad sepulchrum Sanctorum Pro- cessi & Martiniani, testis est D. Gregorius boni. 32. in Evang. & de sepulchro S. Pancratii item Roma agit Gregorius Turon. de gloria Martirum cap. 38. Videndum Tamayo à Salazar. tom. 3. mars- tyr. die 27. Octobr.

## TITULUS XXXVI.

### De iniuriis, & damno dato.

#### CAP V T I.

a In Exodus.



I rixati fuerint homines, & percusserit alter proximum suum lapide, vel pugno, & ille mortuus non fuerit, sed jacuerit in le- &to; si surrexerit, & ambulaverit foris super baculum suum, b innocens erit qui percusserit; ita tamen, ut opera ejus & im- pensas in medicos restituat.

#### NOTÆ.

1. a Exodi.) Ita etiam legitur in prima collectio- ne, sub tit. de damno dato, cap. 1. & verba haec reperiuntur in cap. 21. Exodi, versu 18. & 19. & pro huic inscriptiōnis illustratione repetenda sunt quæ adduxi in cap. 1. de adulteris.

- b Innocens.) Id est immunitus, & liber à pena mortis, quia hoc indicio, quod percussus post accepit plagam foris ambulaverit, præsumitur mortem ejus non ex percussione, sed aliunde ob- venisse, ut exponit Cornelius à Lapide in dict. cap. 21. Exodi.

#### COMMENTARIUM.

1. Icet cum homo mortuus est, aut membro mutilatus, pena talio sit, tam ex lege Moy- sis relata in d. cap. 21. Exodi Genesis cap. 9. vers. 6. quam ex lege duodecim Tabularum, ut auctorita- tibus, & exemplis illustrat Beyerlinch serbo Talio, Philippus Camerarius cent. 1. horar. success. cap. 99. Fornerius lib. 2. select. cap. 29. tamen cum vulnera- tus est, propter damnum acceptum, quia nullâ

parte corporis mutilatus est, sed tantum damnum accepit, & quia in lecto jacuit, operas amittit, ac impensas in medicos fecit, tenetur qui damnum declit tam ad operas, quam ad impensas in medicos factas præstandas. Vlpianus in l. sed & fin. fine, cum sequenti; & l. quā actione ff. ad leg. Aquil. ubi proposita quæstione futoris, qui maledicenti puero ingenuo filiofamilias formā calcii cervi- cem pertulerat, ut oculus penè perfunderetur, postquam docuit non aliā actione futorem tene- ri, quam Aquiliæ legis, subjungit: Quā actione patrem consequeaturum, quod minus ex operis filii sui propter vitium oculum sit habitus, & impedita, que pro eius curatione fecerit. Et Gajus in l. finali ff. de his qui decesserunt, ait: Cum liberi hominis corpus ex eo, quod dejectum, effusumve erit, lesum fuerit, index computat mercedes medicis præstitas, catenæque impendia, que in curatione facta sunt, preterea operas, quibus caruit, aut cariturus est, ob id quod in- utilis est factus. Iustinianus in §. 1. inst. de obligat. qua ex quasi debito, ibi: Ob hominem liberum occi- sum quinquaginta aureorum pena constituitur; si re- riviat, nocturnaque ei esse dicatur, quantum

ob eam rem aequum iudici videtur, actio datur. Index enim computare debet mercedes medicis praefitatis, ceteraque impendia, quae in curatione facta sunt; præterea operas, quibus curauit, aut cariturus est ob id quod mutatus est factus. Quoad forum internum ita in hoc casu cautum lego in Pœnitentiali Romano, tit. 4. cap. 19. in hac verba: Qui per rixam iulu debilem, vel deformem hominem fecerit, reddat impensas medicas, & medium annum paeniteat: si non habuerit unde

## C A P V T II.

## a Item.

**S**i quis aperuerit cisternam, & foderit, & non operuerit eam, occideritque bos, vel asinus in ea, dominus cisternæ reddet pretium jumentorum. Quod autem mortuus est, ipsius erit.

## N O T A E.

a) Item.) Ita etiam legitur in prima collectione, sub dicto tit. de damno dato, cap. 3. id est in eodem capitulo Exodi, ubi reperitur textus hic, qui summa ratione nititur, nam ad damnum resarcendum non solum tenetur qui dedit, verum & qui occasionem damni præbuit, l. qui occidit, §. ult. ff. ad leg. Aquil. Prefens tamen sententia accipi debet juxta distinctionem, quam tradit Paulus in l. qui foveas 2.8. ff. ad leg. Aquil. his verbis: Qui foveas ursum, cervorumque capiendorum causâ faciunt, si in itineribus fecerunt, eoque aliquid decidit, faciunque

deterius, lege Aquilia obligati sunt: at si in aliis locis, ubi fieri solent, fecerunt, non tenentur. Subjicit etiam Paulus in §. 1. quod si is, qui foveas fecit, preterreuni denunciaverit periculum, & adhuc ausus fuerit transfire, ex culpâ non tenetur, qui foveas posuit; quia præteriens sine temeritatim imputare debet, utin non dissimili casu Calphurnius Flaccus dicebat declamat. 5. ibi: Quantum ausus est, quod nec post denunciationem creditum est. Et statim: Ubi quod futurum est denunciatum, culpa patientis est. Explicant D. Joannes Suarez ad leg. Aquil. lib. 3. cap. 7. sect. 1. num. 9. Mancinus de tripl. juris collat. cap. 8.4.

## C A P V T III.

## a Item.

**S**i bos alienus bovem alterius vulneraverit, & ille mortuus fuerit, vendent bovem vivum, & dividunt pretium; cadaver autem mortuum inter se dispergunt. Si autem sciebat, quod bos cornupeta esset ab heri, & nudiustertius, & custodivit cum dominus suus, redder bovem, & cadaver integrum accipiet.

## N O T A E.

a) Item.) Ita etiam legitur in primâ collectione, sub hoc tit. cap. 4. id est in eodem cap. 2.1. ubi ita legitur: Si bos alienus bovem alterius vulneraverit, & ille mortuus fuerit, vendent bovem vivum, & dividunt pretium; cadaver autem mortuum inter se dispergunt: si autem sciebat, quod bos cornupeta esset ab heri, & nudiustertius, & non custodivit cum dominus suus, reddet bovem pro bove, & cadaver integrum accipiet. Hæc lex Mofaica pervenit ad Phenices, unde sumpfit Solon, de quo Plutarchus ait: Script & de pauperie à quadrupedibus data, ubi canem qui aliquem morditerit, dedi jubes cubitorum quatuor vinculo alligatum. Ex Solone sumpfit Plato de legibus lib. 11. ubi ait: Ut si jumentum, aut equus, aut canis, aut animal domesticum quadrupes pauperiem fecisset, eodem modo damnum resarcietur, ac si servus dedisset, nempe non am dedendo, vel refrenando quod alteri abesset, nisi intercessisset dolus. Et Romani ab eo acceperunt: quare Ulpianus in l. 1. ff. si quadrupes pauperiem,

ait: Si quadrupes pauperiem fecisse dicatur, ex lege 12. Tabularum actio descendit. Que lex voluit, aut dari id, quod nocuit id est animal, quod noxam commisit, aut estimationem noxæ officeret: nam ratio postulat, quod sicut in noxali actione damnato permittitur aut litis estimationem sufferre, aut ipsum hominem noxæ debere, cum videri possit iniquum servorum nequitas ultra ipsorum corpora dominis esse dannosæ, §. 1. Inquit de noxalibus, ita pari ratione de quadrupedibus placuit, dict. l. 1. ff. si quadrupes pauperiem: ad quem titulum spectant textus in l. & eleganter 7. §. 6. ff. de dolo, l. final. ff. de extraordinari crimine. l. Iulianus 9. §. glans, ff. ad exhib. l. ait Praetor 7. §. penult. ff. de damno inferio, l. si servus 2.7. §. si servum, l. final. ff. ad leg. Aquil. l. si heres 1.6. l. electio 2.6. §. si is, ff. de noxalibus, l. Diuinus, Limfans, ff. ad leg. Corn. de siccari. l. Pomponius 4.4. ff. de acquir. domin. Illustrant Mancinus de tripli juris collat. Grotius in floribus ad tit. ff. si quadrupes, Gibalin. de negot. lib. 6. cap. 9. art. 3.

D. D. Gonzal. in Decretal. Tom. V.

Z Z

C A P V T